

石泉書屋詩鈔

石泉書屋詩鈔卷六

利津李佐賢竹朋

上元甲子元旦試筆

青陽律轉上元春令節佳時物候新
歲難辭藍尾酒論年已
是白頭人平生宦轍空回首依舊官袍穩著身
報

國有心惟暗祝九州從此靖烟塵

春回

冰消凍解小欄邊草放金鈎欲闌妍
到處尋春春未得不知春
已到窗前
神妙 瑞駿

登利津城樓

城樓高迥處眺遠正憑欄河抱黃流曲春深綠野寬隄防資保障稼穡問艱難撫字兼籌策勤勞望宰官

順風謠

檣如戟帆如扇大川利涉乘風便大王雄披襟當列子御冷然善中流自在兩無羨卻憐天意人難變往者歡欣來者怨

重遊歷下

游蹤汗漫落人間富貴浮雲只等閒腹有塵絲猶未了年年來看鵲華山

放生池觀魚

放生池上踏青莎，晴漪激灑風日和。鏡中隊隊游魚過，投以餅餌如投梭。羣魚爭啖跳圓渦，鬪比鄰曾無干戈。駢頭撞擊肩相摩，錦鱗照耀輝光磨。食罷囹圄浮清波，如羊飲池牛降阿。依人更類鷺與鵝，機心全忘弗恤他。魚自泳游人自歌，人樂魚樂同婆娑。鱗鱗鯉來江河避網無殊鳥，避羅偶然失罟誰護呵。死生呼吸投骸蛾，可憐香餌貪無多。得地失地不同科，魚兮魚兮可奈何。

游釣突泉

聽泉客到任勾留四面涼生夏亦秋
頓覺殷雷絕地奮詎知飛瀑向天流
描成海上三山影三泉並涌出洗盡人間萬斛愁
一片仙機真活潑伊誰悟道識源頭

王子梅屬題其長女貞年畫梅册

雪魄冰魂清且幽
姑射仙姿誰與儔
腕下生春毫吐豔
此福亦勝幾生修
子梅詩筆貞年畫
一家翰墨互唱酬
清於冰仙應把袂
榮名更繼陳南樓
我憶仙霞嶺畔遊
瓊英玉萼盈山岫
汀署小閣動詩思
汀署後有梅園還如何遜在揚州
月杜句又記趨庭庾嶺外
行蹤來去傍羅浮
讀書渾疑香夢醒
但少翠羽鳴啾啾
歲寒北

地無香雪舊遊痕。觸空悠悠乞寫剡谿藤。半幅寄來不待江南郵。一結悠然不盡。瑞駿。

靜坐

水雲深處結緣深。淨洗塵埃未許侵。明月相尋如踐約。青天在上自高吟。曹騰夢憶遊仙枕。淡泊情移太古琴。摩詰晚年惟好靜。早應知我此時心。

寫出靜境 瑞駿

聽雨

破曉頻傳屐齒聲。夢回孤枕倍淒清。先生聽雨方高臥。門外何人冒雨行。

本集書屋詩鈔
題王秋垞貳尹蒼茫獨立軒詩稿

詩句相投贈神交我與君
天涯方結契地下遽修文
妙筆翻瀾水新詞出谷雲
遺編今日讀清淚落紛紛

鐵公祠

靖難兵臨日孤城繫一身
湖山真有主鼎鑊自成仁
公篤忠臣節人慚叔父親
宸濠無異轍往事總灰塵

盆魚

識得游魚樂恩波不在深
有機真活潑無意問升沈
未減濠梁趣詎忘湖海心
靜中觀物化飛鳥更巢林

聞金陵收復三江肅清誌喜

紅旗一騎捷書過喜聽江南唱凱歌元運重開新歲月

時逢土元甲子

廟謨永奠舊山河十年當路除豺虎一律收軍息鶴鵝

陞同偃武滇南新疆
尙未盡平均調玉燭慶時和

題楊子惠內表兄恩祺憶得偶存詩稿

從來名士濟南多似此才名定不磨留得一編今日讀知君佳句法如何

問柳尋花又幾時一齊收拾入新詩風情不讓吟情好想見當年杜牧之

秋夜

碧天涼似洗不受片雲封近月星芒斂無風露氣濃花陰移上
壁樹影臥成峰坐久渾忘寐難尋化蝶蹤

新情

瑞駿

學道

人人慕學道人人戴儒巾聖賢與仙佛並世無幾人胡弗輕賦
與造物太不仁造物聞之笑無言若有云太極本於穆元化祇
細縕人生一太極厥象亦渾淪物交遂物引濡染喪其真食色
兼名利癡愛復貪瞋患得亦患失厭故更喜新混沌借鑿破元
氣如剖分終朝爲物役萬變徒紛紛與天日以遠與道詎能親

如大車載轆轤轉雙輪一朝輿脫幅安望馳且奔譬如流丸
定圓轉初無難偶然逢甌臾其止如流言所以至誠心惺惺貴
常存天人通一貫不已緣能純死生惟順受富貴如浮雲釋教
崇虛寂明鏡無埃塵老子言道德玄牝亦此門何必鍊鉛汞何
必守庚申三教流雖異其體歸一源惟人所自擇要言豈在煩
悟道有真諦我主物爲賓造道有心得物屈我自伸至寶詎在
外曷自返其身下士聞斯語笑比絕纓髡中士聞斯語疑信費
諮詢上士聞斯語妙悟自凝神縱橫羅萬象俯仰杳八垠超然
遊物外願作無懷民

大似擊壤集而氣魄過之

駿注

冬夜偶成

游倦歸來靜掩關，琴書相伴一窗閒。
月臨人照當頭鏡，雪壓廬成沒骨山。
宦海前蹤疑夢境，仙家勝景隔塵寰。
端居頓作煙霞想，鸞鶴何年共往還。

新警 駿

琴牀

誰傳妙製待鳴琴，風簟難鋪譜試尋。
對此安絃宜奏曲，居然下榻爲知音。
橫來最好臨清夜，眠去何妨借綠陰。
卻笑桓伊無雅韻，胡牀弄笛但長吟。

棋廬

團○圍○棋○具○比○囊○盛○用○異○香○匳○不○異○名○好○任○收○藏○忘○勝○負○何○嫌○黑○
白○太○分○明○閒○枰○斂○盡○無○餘○子○對○壘○相○持○儼○駐○兵○交○得○橐○弓○常○偃○
武○都○如○局○散○罷○爭○衡○

書架

由○來○鄴○架○富○芸○編○支○閣○圖○書○不○計○年○萬○卷○參○差○堆○簡○冊○幾○層○高○
下○類○梯○田○紛○紜○遠○勝○陳○經○案○安○穩○何○須○載○畫○船○縹○帙○緗○囊○憑○對○
列○探○奇○彷彿○入○琅○嬛○

畫叉

攜○來○妙○繪○等○琴○書○巧○借○叉○擎○任○卷○舒○萬○軸○琳○瑯○憑○爾○挂○雙○了○鬢○

雪比誰如虛懸畫幘頻驚燕錯認漁竿不釣魚多少名人留翰
墨高高擡舉只因渠

四詩均有不脫不粘之妙 駿注

羅書堂同文綦達九應鴻兩茂才贈我晚菊數種冬月盛
開對雪賞花別饒佳趣賦成十六韻並柬二子

天公玉戲霏玉屑小池零亂冰花結竹壓檐前雀啣枝樹凋窗
外鳴枯葉人間萬卉俱飄零誰信幽芳今未歇歲寒松柏共蒼
堅羞同桃李招蜂蝶錫名壽客定無慚縱愛餐英肯輕折詩人
但說傲霜枝不道秋芳能做雪雪花滿地映黃花一般景物兩

奇絕回憶晴曠，曩嶺外遊，千樹驚梅，花發而今，海角天風，寒折
寄一枝誰贈，別孤懷淡泊，或天憐留此晚芳，爲我設簾幙，重重
護惜，深瓦盆供養，真妥帖，東籬把酒，迹已陳，園鑪小酌，還怡悅
長安市上競豪華，唐花賣，向三冬月，購得一叢，深色花賦，抵十
戶民膏，竭何如相賞，在蓬廬，明窗淨几，幽懷愜感，君贈我更最
君好共此花，勵晚節。

大雪

同雲垂幕，包無外雪花，信有如席大，大雨三日，卽成霖，大雪經
旬，毋乃太樓頭，遠望浩無涯，迷漫一片，將城蓋，收藏萬類，貯冰

不身言金
壺匿影不教紅日曬仰觀俯視入混茫乾坤一白無分界寒江
獨釣灑蓬窗灞橋詩思生驢背閉門高臥有袁安乘興山陰誰
訪戴朝臣袍笏盡瓊瑤農田預報豐年瑞葉落空林萬木枯微
茫僅辨松與檜菊芽梅萼凍全僵土窖藏如僧受戒窗前惟剩
竹枝青擎風獨立無摧敗勁節不負歲寒盟教人欲下此君拜

寄託遙深 駿注

寒甚口占

曉起窗含凍嚴寒一倍加眼前飛雪絮鬚上結冰花枝墜頻驚
雀林空不噪鴉大裘懷白傅願覆萬人家
想見抱負 駿注

和王子梅詠竹元韻

今秋贈王子梅新竹數竿冬命嚴寒來書云竹半黃矣
而栽培益力冀其回春也

清標只合對清芬故把此君持贈君縱使風欺兼雪虐仍留勁
節自干雲

述懷

閒將際遇溯平生詎借明珠記事清外宦七年原寫意藏書萬
卷自怡情登瀛載筆曾修史解組歸田又課耕五夜捫心差慰
藉不貪漁利不沽名

半生猶未展經綸，遽作蕭閒局外身。詎抱遐心耽隱逸，惟嫌傲骨太嶙峋。萬言有策干明主，一紙無書上貴人。如此性情如此遇，隨緣應不歎沈淪。

有感

難把清流混濁流，人情變幻等浮沤。扶搖誰識鵬千里，今古原同貉一邱。魑魅行藏煩鼎鑪，海天空濶任槎游。何時超出塵凡界，目極三山與十洲。

雜詠十首

天開與地闢，云自混沌起。未識混沌先，何以肇其始。天崇與地

卑見慣渾不怪。永識此字外。更有何境界。少時勞。追想人笑太。
論疑老我復滋感。不異髻齡時。方知人在世。譬彼魚在池。水外
魚不見。字外人豈知神聖與庸愚。同因此乾坤。但知六合內外。
此誰能論。

大化夫如何。渾淪包無外。於物苟區分。已遠彼蒼意。善惡用彰。
羶邪正。剖義利。上下辨。尊卑人物殊。賤貴偉哉聖人功。萬世民。
攸賴。豈知造物仁。一視無同異。巨壑混魚龍。芝蘭出蒿艾。虎豹。
與祥麟。並育不相害。丹鳳與鴟鴞。各自鳴天籟。胡弗辨去留。別。
開清淨界。成化本無心。有容德乃大。人憾不能無。所以爲天地。

今歲苦嚴寒積雪不可埽我謂此寒威已盡殘冬杪貞下定起
元預卜春回早宇宙此陰陽二氣如環繞消長互乘除對待無
多少寒往卽暑來昏暮轉向曉誰曾度長夜自酉更逾卯天運
自有常人事何須巧富貴與賤貧代謝亦草草位高而多金問
誰能常保不朽古有三榮名以爲寶

福善與禍淫只論理常然豈知逢其變數定理無權下元際運
會兵戈自年年所過城與市殲滅無人烟若云屬惡報豈無一
善人曷弗別良莠玉與石俱焚兵燹不到處詎必無頑民胡弗
竭澤漁轉多滂網鱗搔首向天問天高語不聞清風爲掃蕩浩

劫○成○灰○塵○善○惡○有○感○應○施○報○不○能○繁○苦○心○救○世○語○不○得○不○云○云
鴻○鈞○鼓○大○力○細○微○詎○剖○分○試○語○爲○善○者○責○報○莫○紛○紛

養○民○井○田○法○只○宜○行○上○古○古○法○用○今○時○所○患○無○曠○土○一○夫○田○百
畝○安○得○田○如○許○縱○授○餘○夫○田○亦○恐○缺○難○補○變○古○開○阡○陌○何○必○咎
羸○秦○縱○有○聖○人○作○古○制○豈○能○遵○天○地○德○好○生○羣○黎○日○益○廣○熙○來
攘○往○儔○如○蛆○食○黃○壤○土○地○闕○無○餘○後○生○資○何○養○更○歷○數○千○年○何
堪○一○設○想○一○笑○問○坤○維○何○不○隨○時○長

馳○逐○名○利○場○比○例○魚○食○餌○代○不○異○古○今○人○無○區○賤○貴○寡○欲○乃○清
心○多○營○必○多○累○然○使○盡○屏○除○塵○世○亦○寡○味○畢○竟○此○兩○端○高○下○有

不
等○次○爲○富○必○不○仁○顧○名○或○思○義○懷○惠○兼○懷○土○喻○利○小○人○事○沒○世○
疾○無○稱○不○失○君○子○意○甯○儉○勿○用○者○好○名○猶○勝○利○

論○事○有○是○非○論○人○多○毀○譽○毀○譽○固○難○憑○是○非○亦○鮮○據○君○子○無○所○
爭○豈○盡○物○無○忤○理○有○難○通○時○遭○遇○聽○乎○數○俯○仰○不○愧○怍○綽○然○有○
餘○裕○所○以○橫○逆○來○逢○之○不○必○怒○貧○賤○不○以○道○得○之○不○必○去○

五○材○民○並○用○厥○惟○金○不○祥○能○使○清○淨○域○化○爲○兵○戈○場○學○成○萬○人○
敵○將○帥○威○名○揚○豈○知○所○殺○戮○安○能○別○莠○良○功○成○萬○骨○枯○封○爵○博○
侯○王○已○違○好○生○德○蕪○祿○詎○久○長○無○怪○韓○彭○輩○及○身○已○滅○亡○

古○之○爲○學○者○學○貫○天○地○人○今○之○爲○學○者○學○但○富○多○文○章○身○侷○錦○

繡挂腹少經綸千時矜獻策遇變舌已捫循名難責實豹死皮
空存

美人無定姿佳文無定格誰知鼓瑟者別有膠柱客聲調工揣
摩如歌按節拍字句較短長如匠陳繩墨真意已銷亡貌似神
理隔優孟縱衣冠聲情詎能得雷霆互發聲雲霞屢變色陵谷
有遷移滄桑異今昔天地大文章終古無成迹黃土搏人後未
聞別形模何以千萬億各具一頭顱陽虎類孔子織毫豈無殊
此外相肖者不聞有一夫方知造物巧詎止萬變圖文心從此
悟今吾非故吾笑爾鈍根人依樣畫葫蘆

想從天末理祇目前自然處雅近淵明

駿注

門神

終朝對立傍銅鑲袍笏疑同將相班任爾轉身司管鑰
憑人仰面看容顏功如錫爵應論戶仕豈因貧願抱關
一樣這神錢有用誰知不及汝清閒

勾芒

具人形體並衣冠星宿牽牛一樣看面孔頻更無定相頭銜好
畧作春官逢迎宛似新年客靈爽偏依太歲壇野老羣祈豐稔
兆問乃知否緣艱難

攬鏡

論年花甲未全周，鏡先驚白髮稠。
放眼敢云空，一代疑心也。
冀壽千秋銘勲無分，麒麟閣覓句思翻。
鷓鴣洲可惜朝陽鳴盛，侶江湖飄泊作閒鷗。

有勸余出山者，拈此示之。

南柯夢醒迹成陳，野鶴閒雲物外身。
已是回頭登岸日，羞爲攘臂下車人。
收藏著絨渾忘舊，料理蠶鹽且耐貧。
自顧封侯無骨相，名場何必戀風塵。

額聯放翁佳句 瑞駿

鐘鼎山林風馬牛，憑天位置又何求。
逢人傲骨峰千仞，閱世閒

身水一漚敢冀勳名追召杜詎將蹤跡託巢由難從宦海揚帆
去渚淺風微且艤舟

立春後六日聞雷誌異

計候何曾大雨行東皇纔看出郊迎誰知雪虐風饑日已聽春
雷第一聲

元宵大風雪

連宵風雪太欺凌曷衍魚龍戲未能料得春燈無可試下帷依
舊伴潛燈

送高次封太守貢齡之官會稽

會稽山光鑑湖水襟城帶郭三十里膏腴杭稻瀕湖多東南竹
箭連山美竭來江左紛兵戈名區墮劫烟摩裏中興重奠舊山
川經營締造從今始狼烟頓息起瘡痍伊誰醫國梅良醫鴻敷
待哺如嬰兒伊誰撫育噢咻之農部高侯慎厥司廿載清勤結
主○知○良○才○勝○地○相○倚○重○
帝○曰○欽○哉○汝○往○治○恭○衛○

恩命辭郎署雙旌五馬庚郵馳江上春風送蘭糴浙東甘雨隨
車到清時吏治重循良青史勲名追杜名他年報政政易成委
蛇退食足怡情遺蹤元九誇州宅流觴曲水尋蘭亭赤文綠字

探禹穴蒼茫弔古越王城公餘應慙尋幽興吟詩好寄遠人聽
疇昔與君同筆視蛩蛩駉駉情殊戀宦轍中外歧途分動如參
商不相見登場君聽鳴騶好懸車我已歸田早無多良會別離
難對看雙鬢垂垂老贈言努力勸加餐更勸榮名以爲寶

挽李筠菴表弟祥辰

平生膠漆最情親遠返仙蹤一愴神海上騎鯨今撒手天邊化
鶴悟前身君自言前身屬鶴雲山水墨臨摹肖卷軸珠瑯賞鑿真君善畫精
鑿從此都成廣陵散知音索解更何人

消遣

吟詩讀畫消遣客膝吾虛易安除卻家祠廟祭終年懶著衣冠

春寒

九九消寒寒未消雪花依舊逐風飄護持窖底新梅萼懊惱隄
邊凍柳條門換春聯驚歲改杯傾佳釀和愁澆貂裘在笥無須
著十二年來免侍朝

沈河舟中遇雨

歸程何太滯况值雨瀟瀟孤艇依頽岸狂飈擁怒潮愁聽篷滴
漏醉少酒盈瓢夜坐難成寐清吟慰寂寥

牡丹

詞詠清平憶謫仙。一枝濃豔勝嬋娟。羣芳有譜應推首。斯世無
花可並肩。豈向春風誇富貴。假烘晴日倍嬌妍。縱教多買胭脂
畫國色。天香未易傳。

春日小園卽事

地僻無來客。柴門鎖日關。攤書消白晝。選石疊青山。水淨魚同
樂。林幽鳥共閒。牆陰尋古篆。苔蘚漸成斑。

春暮尚餘寒。東風漫倚欄。花萌魚網護。枝墜鵲巢乾。久坐清陰
轉。耽吟午課完。遨頭誰伴侶。游興未闌珊。

口占

際遇隨豐吝。浮名忘毀譽。晦翁耽靜坐。潘岳賦閒居。逢閨愁添
米無資。羨買書。西南風鶴警消息。近何如。

中庭樹

中庭有嘉樹。去歲實離離。胡爲今歲樹花落。餘空枝空枝莫失
望。來歲卜蕃滋。盈虛觀物化。哀旺各乘時。物理推人事。說與塞
翁知。得馬何足喜。失馬何須悲。

靜境

攤書讀罷掩精廬。悟境都因靜境殊。餘憾從來天地有。沈思想
到古今無。閒看世上魚龍戲。任聽人間牛馬呼。落落襟懷誰共

喻長風浩蕩月輪孤

禱雨

去歲大雪白雲封乾坤一色冰壺同今歲太旱水源竭赤縣烈日紅鑪紅陰陽愆伏成災沴調燮無術憑天功密雲不雨忽吹散封姨肆虐大王雄嘉穀半枯苗欲死釋耒坐歎愁老農大巫小巫禱神鬼往來擊鼓聲逢逢祝洩銀河翻碧海更祈電母熒雷公我昔游蹤憶南國黃梅時節無晴烘有餘不足儻調劑彼此暘雨皆適中天地雖大猶有憾亦如人道難中庸前度烽烟連海岱四野已嗟杼柚空望歲如望慈父母但祝豐稔何堪凶

吟詩敬告明神聽願神慈悲人窮三日成霖千畝渥喚醒甦
睡騰伏龍

喜雨

連朝快雨走雷車小圃新晴玩物華胡蝶深藏埋徑草牽牛初
放過牆花流甘膏澤盈千里飽食倉箱祝萬家好去閒尋田父
老綠陰陰處話桑麻

七夕前一日園中納涼

一邱一壑卽池臺薄暮招涼亦快哉微雨如催佳節到清風爲
送好詩來桑麻郊外豐年兆花木園中稱意栽惟聽西南歌瓠

子流離何計慰鴻哀

消夏

歸來鍵戶倦游蹤
消夏翻添游興濃
天上晴雲壁間畫
朝朝暮暮對奇峯

余向嗜圍棋近以其勞神也戒之并記以詩

閒枰坐隱幾春秋
渾擬兵機費運籌
謀勝局中新戰壘
縱觀壁上舊諸侯
紛爭蠶觸經年慣
浩劫灰塵付水流
從此樵夫同袖手
爛柯山下任優游

王禹鄉明府世榮屬題尊甫蓉山先生松陰趺坐圖

予與蓉山先生邂逅滕陽相視莫逆回憶已三十餘年
矣其哲嗣禹鄉明府今宰吾邑頌聲蔚起一日出遺照
索題感故交之頓謝幸遭澤之孔長不禁悲喜交集也
萍蹤聚首憶滕陽卅載音容隔渺茫把袂訂交投繯紵披圖感
舊閱滄桑喬柯已看龍鱗化肯綮還欣燕翼長含笑九原應慰
藉絃歌雅譽播琴堂

畫山水自題

山深嵐氣變陰晴曲澗流泉漱玉鳴
長夏幽人無箇事溪邊獨坐看雲生

石泉書屋詩鈔卷七

利津李佐賢竹朋

六句得孫誌喜

蕭蕭雙鬢總如銀，彈指光陰已六旬。
竹報遙聞添喜色，蘭芽初茁及新春。
家祥入夢徵熊虎，先期余夢虎復夢熊客賀登堂譽鳳麟。
從此傳經欣似續，他年付汝一編陳。

種花

自替園丁課，攜鋤向夕陽。
三春閒裏過，祇爲種花忙。

至海豐王蘭洲張幼文子緝諸君子招飲別後卻寄

百里經年別相逢一笑迎鶯花春日暮雞黍故人情林下紅塵
遠樽前綠酒傾田居歡會少此譙卽蓬瀛

苦雨歎

去歲旣多旱今歲復多雨多旱旱爲災多雨雨更苦日月忽藏
匿雲霓自吞吐密灑如散絲急點如飛弩檐溜瀑道厓鎮日懸
當戶門掩蛙升堂竈溼魚生釜屋漏無乾牀泥墮少完堵農夫
劇堪憐主伯共亞旅太息禾生蠹何異穀變蟲黍苗半飄蕩麥
根漸朽腐禾稼比不登何以實倉庾租稅未蠲除何以應官府
真○疑○有○漏○天○問○天○天○無○語○擬○倩○女○媧○皇○急○急○煉○石○補○

六十初度自述

荷花爛漫正芳辰，花下稱觴歎此身。
樗散棄才難用世，槐安好夢久成塵。
陶情絲竹偏多感，繞坐圖書不算貧。
卻笑童心猶未化，如何已是杖鄉人。

追維襁褓荷親慈，六十年前墜地時。
吉夢虛教誇鳳子，余生

母夢鳳入懷中此生慚未盡烏私。

榮封表墓終何補，捧檄還鄉恨已遲。
罔極深恩何日報，開編忍誦蓼莪詩。

丁年橐筆入詞曹，侍從追隨敢憚勞。

朵殿書成新賦稿

御鑪香惹舊宮袍青編修史人爭羨

曾供職史館

玉尺量才我幸操

甲辰分校春闈

何意鰈生邀

寵遇濃恩稠疊一時遭

閩汀典郡幾經年差喜囊無造孽錢荔子陰中勤判牘梅花香

裏課耕地殊孔道偏宜嬾居愛名園不欲遷

署有梅園可資遊覽曾謂首郡

不就祇爲洪波淪丙舍抽帆宦海引歸船

因先瑩被水急需遷葬辭官歸哩

春明再至黯銷魂丙辰就往日風流半不存詞館已行前輩禮

禁林重認舊巢痕升沈過眼都陳迹明弼關心最後昆

男弟良嗣改西

曹
清白家風須似續好承堂構答

君恩

因緣翰墨樂同羣歷下臯比一席分

庚申就濟南講席

四載生徒頻問

字一編風雨細論文窗前種竹風傳韻湖上看花日易曛遊倦
歸來重鍵戶衣襟猶帶鵲華雲

露夕烟朝取次過田間歲月易消磨清歌偶聽玉連瑣薄醉時
傾金叵羅知己常懷千里遠故人數到九原多愁遺天壤猶存

我感舊傷離可奈何

逝水年華墜渺茫雄心弩末贖文章慚無濟世經綸展羨有名

山○著○作○藏○鑽○紙○蠅○癡○還○得○味○抽○絲○蠶○老○未○全○僵○邇○來○泉○幣○新○成

譜○時○刊○古○泉張台顧烜陶岳洪遵或頡頏

家○餘○半○畝○老○菟○裘○遣○興○何○須○賦○遠○遊○娛○我○鶯○花○時○得○句○任○人○麟
閣○說○封○侯○偶○然○魂○夢○迷○蝴○蝶○肯○爲○兒○孫○作○馬○牛○笑○比○登○樓○年○少
婦○祇○知○歡○喜○不○知○愁

萬○卷○叢○中○了○此○生○塵○緣○謝○盡○總○無○爭○短○長○任○聽○人○藏○否○出○處○何
關○世○重○輕○入○夜○聞○雞○羞○起○舞○臨○風○喚○鶴○怕○傳○聲
今歲賊屢犯東境丹心

報

國○依○然○在○盼○切○餘○年○見○太○平

天津道中早行

旅邸瑟縮凍全僵，雞鳴喚起促行裝。行行盼日升扶桑，須臾大地騰輝光。道旁行旅聚成行，照影更比長狄長。笑問爾輩胡奔忙，得母利鎖兼名韁。我忘名利亦來此，不爲富貴爲孫子。時方入都看視塵緣一例無，殊耳五十步者莫笑百步止。

題張翼南同年詩集

憑陵沈宋薄，應劉瑰寶奇。珍筆下收十萬珊，枝穿網底三千鐵。
弩射潮頭游蹤曾憶江南棹，豪氣應高濟北樓。當代詩人甘避
舍輪君渤海盛名留。

在東書屋謀劍
得蘇賡堂同年廷魁書兼有贈句和韻卻寄

離別不知歲相思恨未平簡書今日達車笠故人情官閣傳新
詠仁併起頌聲卿雲遙望處攬轡待澄清

和宗兄季雲寄懷元韻

千里關河阻音書未易裁長空鶴歸去芳訊鯉傳來細把離情
訴相憐暮景催燕山如再到訪舊肯遲徊

新樂府 并序

昔白傅作新樂府序曰其辭質而徑欲見之者易喻也
其言直而切欲聞之者深戒也其事覈而實使采之者

傳信也爲君爲臣爲民爲事爲物而作不爲文而作也
余何人斯詎敢妄希前賢然觸時感事古今人有不同
而同者因卽見聞所及掇拾成篇得十二首意雖激而
非妄詞雖俚而非虛度幾言者無罪聞者足戒不肯於
風人之旨馮閱之者儻以爲芻蕘可採或於時事有補
於萬一是則區區愚衷所深望也若以爲誹謗則吾豈
敢

貼膳黃

貼膳黃頌吾

皇吾

皇盛德沛

綸章何地偏災逢水旱緩征

蠲稅恤農桑

深仁厚澤沐

恩施可惜小民難預知奏入

彤廷如望歲捧來

恩詔卜何時縱教實惠逮閭閻閭民困已堪憐況有貪吏若
知否暴斂急徵先入手騰黃貼向通衢口田賦已完十八九

官兵來

賊寇來民告哀官兵來民救災賊寇過民家破官兵過民應樂
問民民但淚珠傾既苦寇更苦兵寇致汝死兵汝生緣何疾痛
無異情民言兵寇難分別此苦自喻逢誰說寇如狼兵如虎狼
貪猶或跋其胡虎猛誰敢與鬪武倉箱告竭杼軸空與之庚與
之釜猶未饜足恣搜取奪我衣不復能曳婁奪我車不復能馳
驅寇來取精或遺麤兵災過處無完土况復劫掠更姦淫飲恨
不敢告官府縱告官府亦何補我聞此語心如焚太息兵寇竟
難分究未縱火未殺人擬兵於寇非其倫勸爾切莫怨官軍怨

語○恐○被○官○吏○聞○

募鄉勇

募鄉勇助官兵官兵按籍多空名養兵數羸用兵絀募勇聊以壯軍聲軍聲雖壯虛糜帑金多可暫不可久餉匱將如何招之可來遣不散安置無術翻爲亂來則爲兵去爲寇紛紛聚散如鳥獸可憐盡屬無業民飢寒迫切誰能救誰能救當謀生安得良田億萬頃俾爾盡歸耕不爲寇亦不爲兵

民失業

賊兵來何洶洶機槍亂掃星辰動排山倒海勢如涌狼奔豕突

無定程逆氛過處烟塵驚殺人如草不聞聲

用成句

黃河之水血

流腥禦寇募鄉勇鄉勇驟練詎能精追寇望官兵官兵不至緩
緩行扶老攜幼奔入城流離顛沛羣逃生羣逃生思避劫士不
橫經農不荷鍤工休歇商匱乏可憐四民同失業忽聞賊退緩
須臾鴻雁安集靡定居收涕忍淚休嗟吁有冠且彈有衣且著
有肴且餐有酒且酌莫問賊去復來否偷生姑謀當前樂鳴乎
幸○免○死○猶○謀○當○前○樂

報捷音

報捷音人共見但待時不須戰何必將軍嫺六韜何曾天山定

石身書屋前
三箭紛紛賊寇如飛蝗捕蝗無計徒張皇蝗飛來田苗食盡無
根○菱○蝗○飛○去○冒○功○請○賞○人○無○數○自○來○自○去○孰○作○梗○馳○突○如○入○無
人○境○此○邦○奏○捷○唱○凱○歌○誰○知○移○禍○到○鄰○省○一○騎○紅○塵○又○告○警

黃流決

黃流決黃流決建瓴之勢直傾瀉往歲江南今山左江南修防
帑金多山左無工呼奈何

聖朝明詔恤民隱拯災捍患無偏頗胡爲政府今殊科諒由時
勢非由他承平回憶嘉道初河壩官吏樂有餘百千萬億河庫
儲虛糜歲費泥沙如錦車寶馬馳通衢羅綺文繡飄輕裾酒滙

肉○陵○充○庖○廚○梨○園○曲○部○女○樂○俱○清○歌○妙○舞○紅○璫○瑜○宴○罷○夜○永○添○
紅○燭○千○金○一○擲○狂○呼○盧○昔○何○樂○今○何○苦○帑○藏○告○罄○難○攜○取○黃○流○
東○下○誰○能○杜○田○廬○城○郭○感○滄○桑○哀○鴻○徧○野○魚○生○釜○河○入○濟○濟○入○
海○湯○湯○汨○汨○十○餘○載○昏○墊○不○異○洪○荒○時○離○居○蕩○析○何○所○之○溺○猶○
已○溺○詎○不○思○拯○溺○無○術○將○安○施○當○年○儻○肯○受○以○節○禦○患○何○致○今○
無○資○職○其○咎○者○當○屬○誰○嗚○乎○我○歌○當○哭○君○休○怪○言○者○無○罪○聞○足○
戒

埧地糧

埧地糧徧四鄉黃流過處水湯湯兩岸崩壞如頽牆須臾千丈

萬丈長繡陌綺阡化澤國空糧仍納困輸將民貧財盡訴官長
官言田賦例有常糧名豁除談何易申文須待咨部堂咨部堂
無時日歲歲征輸竭民力大戶稱貸猶有所茅屋雖破牽蘿補
小戶追呼何太苦賣兒鬻女償官府

盛朝屢

詔恤下民地塲肯使糧猶存可憐民隱
天不聞願告直言賢御史速將下情上達
聖天子

海商舶

海門東下黃流奔門外商舶如雲屯舶中商賈語切切語罷忍
淚聲暗吞問爾經商遠到此不歌而哭胡爲爾答言泛海歲一
至涉險只爲蠅頭利征其鉅舍其細當年關稅有常例常例無
妨歲歲來誰知今歲增權稅增權稅增數倍欲留權算盡錙銖
欲○去○往○還○數○千○里○進○退○維○谷○羊○觸○藩○嗟○嗟○商○賈○誠○何○罪○既○聞○舶
商○哭○又○聞○關○吏○喜○喜○稅○益○多○多○入○官○兼○肥○已○關○吏○何○足○論○官○亦
疾○苦○如○不○聞○腴○民○脂○膏○媚○大○府○反○膺○上○考○嘉○其○勤○吁○嗟○乎○斯○人
豈○其○未○讀○書○胡○不○聞○與○其○有○聚○斂○之○臣○乎○

焚桃源

高山之高高極天巒峰環繞成墉垣中有膏腴千頃田微通一
徑如桃源有客結廬山之巔自稱學佛兼學仙道統直接千秋
傳三教源流都匯此到此長生盡免死羣愚蠢惑來紛紛官幕
商賈及游民輦入金帛翻賈禍先幾見遠無其人人人祇道藏
身固誰知生死難逃數一朝壓境來官軍薄言往愬逢彼怒逢
彼怒巢傾覆虎視眈眈欲逐逐片時殺戮靡孑遺據掠囊橐都
壓足聲銷淚盡不聞哭伏尸狼藉填陵谷彷彿驪山一炬焚焚
時不辨石與玉軍士言誅逆叛安能一一良莠判民言入桃源
初意思避亂誰知避亂翻蒙難有何罪不可追不爭不鬪不抗

遼○竟○同○叛○逆○一○例○看○旁○觀○側○目○呼○奇○冤○千○秋○誰○斷○此○疑○案○鳴○乎○
千○秋○誰○斷○此○疑○案

兵戈戲

兵戈戲兵戈戲歌舞場爲爭戰地爲鵝爲鶴陣圖開大戟長槍
逞利器龍爭虎鬪鯨鯢吞但誇有勇不尙義喧闐金鼓震雷驚
斬將擐旗人辟易黃童白叟並黎民觀者如堵盡得意上自都
門下村寨司空見慣都不怪我來觀劇三歎息歎息人心風俗
壞○登○場○歌○舞○歡○喜○緣○兵○凶○戰○危○人○所○戒○喜○樂○凶○危○風○馬○牛○胡○爲○
混○同○無○分○界○况○今○烽○火○徧○郊○野○驚○聞○風○鶴○來○戎○馬○斬○免○鋒○鏑○幸○

不才書后詩金
偷生刀兵爲戲胡爲者觀劇惟願先止戈何妨後舞復前歌庶
幾春臺共樂人民和

織錦段

天孫七襄誇雲錦人工巧與天工準染將五色萬千絲綺縠羅
紈樣入時織錦段裁裳衣被服適體生光輝光輝照眼美容儀
工夫費盡知不知尊卑貴賤昭等次服色異宜有常例緣何流
俗競豪華不論王公與輿隸人人錦繡願章身上下等威無限
制吁嗟物力餘幾何何堪糜費日多多安得道涓更歸樸卉服
同聽康衢歌

鳳巢高

鳳巢高。鵲巢低。維鵲何堪比。鳳兮鵲飛。乘風便高。或與雲齊。鳳巢不到阿閣上。一枝轉不厭卑棲。高卑貴賤各有宜。造化底事顛倒之。顛倒有意或無意。文章變化方離奇。君不見馬行山下。上有田馬若在淵。牛在天又不見。山下有松山上苗。徑寸莖蔭百尺條。嗚呼。嗟世事多如此。不平之鳴。胡爲爾。

夜坐詠懷

中夜息羣動。流螢獨不停。雲收半弓月。風定一池星。浮世誰清濁。狂歌任醉醒。蓬壺何處所。我欲問仙靈。

暮春園中遣興

滿園春色接天涯，喜雨新晴玩物華。
勝負難分羣鬪蟻，公私莫辨亂鳴蛙。
不鋤小徑留芳草，怕踐香泥惜落花。
更聽呢喃雙燕語，茅亭坐到夕陽斜。

惆悵東風倚檻人，飛花天氣又殘春。
筍尖初變貓頭樣，石皺真成鬼臉皴。
萬水萬山曾縱目，一邱一壑許容身。
關河無恙烟塵息，不厭常爲隴畝民。

春暮戲題

萬點飛花欲送春，留春小住爲詩人。
詩人不放春歸去，著手生

春得句新

輓高次封太守

風雨雞窗記會文卅年回首隔烟雲當時朋輩凋零盡灑淚何堪又哭君

感事

野火烽烟滿目非驚塵千里望征駢妖氛競效長蛇噬軍士偏工退鷓飛大地山河餘戰血荒城鼓角送斜暉人心籲懇天心轉何日紅旗達

帝畿

秋扇

摺扇玲瓏疊錦箋，
動搖初歇早涼天。
成功卽退君何憾，
錯被詩人怨棄捐。

春暮晚眺

不信春將去，尋春一徑斜。
閒亭鋪柳絮，枯樹冒籬花。
琴韻寫流水，詩情對晚霞。
夕陽明滅處，小立數歸鴉。

檢書畫自嘲

佳篇俊句付詩囊，
水墨丹青秘閣藏。
卻笑生平癡絕處，
名心未斷愛根長。

坦園雜詠五首

宅西小園 先君子早年讀書於此晚年注易於此余
小子承歡侍側亦每嬉游於此撫今追昔已四十餘載
矣自游宦他方茲園遂廢近年歸田重治荒蕪又闢地
數十弓以益之結茆爲亭疊石爲山依山爲沼臨水通
橋又補植卉木修葺垣墉草草點綴非侈遊觀皆所以
承先志也園中舊廬顏曰坦室取坦蕩之義卽以名園
隨時吟眺雜綴成篇

先人不可作望古徒生感猶有舊時廬彷彿見遺跡廬外何所

見花木紛在眼廬中何所有圖籍資流覽顏題舊時額取義在
平坦水平無波瀾塗平無坎智世平無紛爭心平無設險卽此
錫園名取益良匪淺

我○生○如○寄○耳○何○物○爲○我○有○御○幸○一○畝○園○暫○時○落○我○手○栽○杏○欲○成
林○種○桃○已○拖○綬○陰○陰○牆○下○槐○濯○濯○風○前○柳○鑿○池○未○及○泉○疊○山○僅
如○阜○相○看○渾○不○厭○款○洽○如○良○友○一○日○不○來○遊○便○似○別○離○久○行○吟
不○知○倦○歷○時○忘○卯○酉○清○景○醉○遊○人○不○待○攜○尊○酒○寄○語○此○芳○園○與
汝○真○不○負

一簣覆平地已作爲山觀何況疊石成對面起峰巒胸中具耶

聖地狹心自寬。我昔遊汗漫。五岳任躋攀。游蹤今已倦。倦飛鳥
知還。但得容小隱。何妨隨遇安。閉關無箇事。卽此是深山。

曲沼依山前。澗處僅逾丈。流水此心期。爲池何必廣。有時驟雨
過。流泉送清響。笑比溝澮盈。頃刻波濤長。何事垂釣綸。何事盪
畫槩。叢叢蘆荻花。彷彿臨浩蕩。鷗鷺儻飛來。便作江湖想。

樂天年四十已懣。種松還我年逾花甲。猶種此花枝。得見成陰
否。何況實離離。將爲子孫計。未免人笑嗤。我道君勿笑。所愛此
生機。生機何日盡。與爾無窮期。

題粵東何蓮盒瑗玉畫梅卷

童年曾記嶺南遊萬樹梅花豁遠眸
此日披圖重振觸依稀舊
夢醒羅浮

石泉書屋詩鈔卷八

利津李佐賢竹朋

旅懷和河西務壁間韻

又作天涯客輪躡不暫停烟村環秃柳塵海泛浮萍老我頭俱
白逢誰眼更青春明重訪舊寥落幾晨星

宋雪帆侍郎晉陳小舫給諫廷經邀陪馮展雲宮詹譽驥

羅椒生尙書停衍汪漢嶠太僕映斗許涑文太守邦光

讌集陶然亭卽席賦呈

鳳城南去路迢迢賢主嘉賓把袂招槐徑雲深濃似幄

先至龍
樹院小

坐○葭○汀○風○起○湧○如○潮○清○游○恰○喜○人○同○健○別○恨○憑○將○酒○共○消○惟○有

慳○農○心○尚○在

用東坡句

甘霖望沛潤良苗

時方禱雨

玉○堂○裙○屐○足○風○流

座中賓主多同館

盛會何殊禊事修
白○雪○誰○將○詩○句

和○前○游○極○樂○寺○雪

翁先有佳什

青山同向畫圖遊

連日讀畫

清○和○天○氣○兼○寒○煖○汗

漫○行○蹤○任○去○留○卻○慙○相○逢○旋○賦○別

時展翁將返嶺南余亦小住即出都

花○驄○難○繫

柳○絲○柔

樊○文○卿○大○令○彬○贈○句○卽○和○元○韻○奉○酬○並○題○其○問○青○閣○詩○集

生○花○妙○筆○發○高○吟○鳳○在○梧○岡○鶴○在○林○雅○抱○常○餘○名○士○氣○清○詞○不

薄○晚○唐○音○懸○車○與○我○賡○同○調○染○翰○逢○君○訂○賞○心○但○祝○年○年○人○共

健一回良晤一題襟

鮑子年閣讀屬題顧祠聽雨園

雙松盤鬱蛟龍舞顧祠中藏傍琳宇俎豆馨香祀事修餘情又
誼借賓侶盛會不羨佛盈千瑞應何啻星聚五雄辯高談四座
驚俯仰上下成今古疇曩我憶春明遊雅會一度一名留十年
一別關津隔雪泥鴻瓜迷陳迹化鶴重來丁令威城郭猶是人
已非明遠詩人示畫卷裙屐風流紛在眼老眼摩挲舊夢醒
觸前塵興非淺更期高會年復年永作長安盛事傳

題宋僧巨然萬壑松風圖

崇岡峻嶺鬱千盤
圖畫休將圖畫看
彷彿仙霞山下路
碧雲深護萬松寒

題李應辰外兄觀魚圖小照

桐陰清潤晚涼初
小立荷池樂有餘
會得濠梁活潑趣
浮生誰道我非魚

王子梅大令有見懷之什賦此奉答卻寄

衝寒破臘梅開時
驛使寄到子梅詩
閒緘花下同環讀
詩中一字一相思
曠曠聚首明湖上
長歌短什互酬唱
而今憶別東海濱
何時把袂再逢君
沉聞多病類相如
茂陵消息今何如
轉瞬

春風雁北向，伫盼惠我好音書。

文信國公鐵如意歌

詩僧墨榻一鈎鐵

墨本係僧六舟所拓

五百餘年字不滅，欵識聖瑞文天

祥

背文聖瑞文天祥制六字

斯物斯人兩奇絕，公生已值宋祚終。獨標大節

撐孤忠，讀聖賢書明素志，鑄此豈與玩物同。想見提兵應詔時，

指揮如意軍中持，又想柴市成仁地，執此浩然歌正氣。他日西

臺故人哭擊節，亦持琅玕竹

謝皋羽哭公以竹如意擊石作歌招魂

同心更有物

同名鳴悲不借漸，離筑吁嗟乎宋已去，公名留凜然忠義壯。千

秋公雖死器無恙，譬諸伏波銅鼓諸葛羽扇何多讓。在昔猶聞

信國琴

忠雅堂集有一彈再鼓德惜惜枯桐也歷滄桑劫不知

何處託知音玉帶又傳公遺硯草檄飛書助征戰珍藏淪落有

誰知但從曝書亭集詩中見

曝書亭集有玉帶生歌

而今對此鐵錚錚爲

爾無端感慨生幸爲忠臣鑄良器免向岳祠模範權奸形

岳忠

有秦檜

彼何辱此何榮不須真贗辨分明但託公名已是不朽

名

勞山記遊詩

勞山名勝久欲往遊而未果同治壬申秋偕吳仲飴水部同往始償夙願自東北至東南往返百餘里信宿山

中五日得詩二十首聊志清興而山以西仍憾遊蹤未
徧也

重九日望勞山作

去○歲○躋○攀○日○觀○峯○壯○遊○今○復○東○海○東○勞○山○可○望○兼○可○卽○來○時○雷
葉○雜○青○紅○朝○瞰○未○上○烟○霧○溼○平○鋪○山○脚○白○濛○濛○黃○山○雲○海○稱○奇
絕○以○彼○方○此○將○毋○同○雲○開○霧○斂○奇○峯○出○十○萬○亂○落○青○芙蓉○近○瞰
亂○石○縱○橫○卧○如○獅○如○象○如○虬○龍○遙○瞻○鋒○鏑○寶○匣○出○千○將○莫○邪○插
晴○空○又○如○王○會○呈○圭○璧○侯○執○桓○兮○公○執○躬○造○物○有○意○弄○狡○獪○萬
千○變○化○難○形○容○重○九○例○作○登○高○會○龍○山○盤○山○曾○扶○筇○千○佛○山○巔

再三至茲遊合繼前遊蹤入山更許開生面恢擴眼界拓心胸
狀峯頭之奇異畫手不到 年愚姪吳重愷注

太平宮

言尋太平宮蒼翠越層巘蜿蜒赴修蛇峯回路更轉曲折入煙
蘿乘興渾忘遠入門漸平曠尋勝恣流覽寥落古仙蹤豐碑沒
苔蘚崩劣獅子峯高峙類弁冕拾級不可登老夫與匪淺捫葛
更攀藤何妨足徒跣登眺凌虛空小坐息餘喘怪石竟橫生幻
出巖下厂中有明昌題字畫蛟鼉斷金石有時泐望古徒生感

寫景遍肖 姪重愷注

白雲洞望海

直上峯千仞奇觀入望中仙雲排遠岫海月渡長風島嶼三山
見帆檣萬里通明朝賓出日會看一輪紅

空闊之境如置身其間 悟注

釣龍磯

勞山盡處海無邊傍海孤撐石一拳安得長繩拋巨壑果然釣
起六鼉連

奇想 悟注

華巖菴

白雲洞中方宿宿醒來窗牖明朝旭重扶竹杖下山行亂石攀
确不容足峯回路轉入華巖華巖何有有修竹谷名應合號箕

管○行○行○照○我○鬚○眉○綠○叢○篁○盡○處○現○禪○闕○嵯○峨○石○磴○雲○間○矗○崇○岡○
峻○嶺○起○樓○臺○曲○徑○禪○房○饒○花○木○飯○罷○忽○驚○海○月○升○匳○開○雙○鏡○輝○
光○觸○蛟○宮○貝○闕○漱○空○明○鯨○波○怒○息○魚○龍○伏○清○風○颯○爽○入○襟○懷○萬○
壑○千○崖○秋○氣○肅○眺○罷○山○僧○更○索○書○夜○靜○虛○堂○燒○明○燭○持○去○由○來○
聽○座○人○一○揮○何○妨○三○十○幅○

中幅四語括盡華巖之景

悟注

明霞洞夜坐

聳○身○已○近○斗○牛○間○歷○歷○星○辰○手○欲○攀○萬○里○風○濤○臨○大○海○千○林○霜○
葉○響○空○山○秋○光○漸○逐○蟾○光○老○客○夢○渾○如○鶴○夢○閒○漫○說○蓬○瀛○人○不○
到○蓬○瀛○今○已○在○人○寰○

項聯名句

悟注

元真洞 世傳張三丰修真處

不知太古初誰鑿渾沌竅闢此團圞形不借人工妙未許白雲
封時邀明月照仙人去不還我來坐長嘯

上清宮

門前排列錦爲屏門內清陰綠滿庭百歲牡丹千歲杏一花一
木亦通靈

古宮寥落閱興亡往蹟追尋未易詳滿地荒苔繁蔓草殘碑沒
字卧斜陽 讀之深人興廢之感 愜注

八仙墩

初○疑○太○華○擎○巨○靈○又○疑○力○士○開○五○丁○一○山○中○裂○半○壁○傾○一○半○獨○
立○真○削○成○傾○者○平○鋪○紋○似○冰○立○者○上○矗○錦○爲○屏○其○下○空○洞○厥○明○
廷○會○仙○或○此○駐○雲○駟○零○星○墜○石○如○隕○星○箇○箇○羅○列○團○圞○形○呼○墩○
恐○被○世○人○爭○錫○名○遂○以○八○仙○名○我○來○恰○值○午○潮○生○噴○花○雪○浪○轟○
雷○霆○爲○誰○激○作○不○平○鳴○坐○定○頓○覺○道○心○清○不○信○風○波○有○未○平○
突○然○而○來○筆○力○崢○嶸○通○幅○皆○警○拔○絕○俗○ 悒注

晨眺雲物類海市詩以記之

一○片○雲○霞○頓○改○觀○滄○桑○頃○刻○幻○無○端○林○巒○簇○簇○連○村○落○權○當○屋○
樓○海○市○看○ 讀此可平未覩海市之憾 悒注

太清宮

東南山盡處開闢太清宮
千竿萬竿竹前山後山
松封謝大夫號清來君子
風地依山屏翰門對海
朝宗仙居何飄渺傑構撐
虛空高低恣游瞻雲樹互
玲瓏從容尋勝慨羽士快
相逢長春留好句摩崖刻邱真人詩捫石憶仙蹤
游倦山齋宿暮鼓兼晨鐘
山靈欲留客朝起雨溟濛
縱筆任揮灑墨與雲痕濃
更尋來鶴洞題洞中題字待鑄磐
我去仍留迹爪印踏雪鴻

餘情 喜注

惟太清宮留連最久詩亦倍有

贈太清宮羽士姜牧亭

幾生修得住仙山不借丹沙可駐顏長嘯一聲海天碧那知何處是塵寰

勞山道中雜詠

皓首依然事壯遊遊蹤直抵海東頭願乘萬里長風去一氣渾茫渡十洲

危崖絕壁與雲浮山下平臨萬里流幾陣晴雷喧徹耳潮頭飛起過人頭

幾簇人家聚一村漁樵生計自朝昏西山爽氣晨開牖東海潮聲夜打門

澗溪回合路彎環入畫奇峯鎮日攀況是重陽風雨後青黃紅
葉滿秋山

勞山卽事

海上聞名勝今來願始酬知仁誰共樂山水此兼遊遠道輕千
里奇觀壓九州何需覓三島方丈與瀛洲

出山作

歸程恰值雨溟濛冒雨山行圖畫中一片白雲封不住參差翠
嶽倍玲瓏

奇景真景 禧注

人間竟有此煙巒留戀情深去住難辭卻仙山入塵世教儂一

步一回看

嶗山負山面海爲山左第一壯觀所謂泰山雖云高不如東海嶗非虛語也壬申秋與竹朋年伯同客於維事畢約蠟游山之屐共租一鹿車前往於重九日入山十五日出山入凡六日又在太清宮阻雨一日快游者僅五日耳重愴搜索枯腸僅成詩五首而年丈於駐屐之餘揮酒翰墨如任自然及彙而輯之已得二十首之富所謂境入於化者非耶猶憶在山時各策一竿新斫竹披蒙茸凌岷嶧或徘徊於危崖或偃息於石磴重愴或疑神思索年丈輒隨誦新句泉涌風發篝鐙時每錄一篇未嘗不三擊節也歸里後復以清本見每一披讀奮游宛遇因綴數語於後以誌一時佳興至於年丈之詩則石泉書屋全稿俱在清奇濃淡不拘一格在讀者自領之固非私臆之贊述所能盡也年家子吳重愴謹識